



## ЎЗБЕКИСТОН ТАЪЛИМ, ФАН ВА МАДАНИЯТ ХОДИМЛАРИ КАСАБА УЮШМАСИ ЁШЛАР КЕНГАШИ

### МАЖЛИС ҚАРОРИ

2013 йил 14 май

№ 1-3

Тошкент шаҳри

Ўзбекистон касаба уюшмалари Федерацияси Ёшлар кенгашининг 2013 йил 30 апрелдаги “Ўзбекистон касаба уюшмалари Федерацияси Ёшлар кенгашининг фаолиятини ва тузилмасини янада такомиллаштириш тўғрисида”ги 6-5 сонли қарори ҳақида

Тармоқ касаба уюшмалари томонидан ёшларни иш билан таъминланиши устидан жамоатчилик назоратини ўрнатиш, ишга жойлашган ёшларни меҳнатини муҳофаза қилиш, корхона ташкилот ва муассасаларда амалиёт ўтаганлар, ёшлар ўртасида касаба уюшмаларига аъзолик афзалликлари тўғрисида, ёшларнинг меҳнат қонунчилигига доир ҳуқуқий саводхонлигини ошириш юзасидан тарғибот-ташвиқот ишларини олиб бориш, касаба уюшмалари ёш аъзолари ўртасида соғломлаштириш тадбирларини ташкил этиш, касаба уюшмалари ташкилотлари корхона, ташкилот ва муассасаларда меҳнат қилаётган ёшлар муаммоларидан хабардор бўлиш, уларни ечимини топиш ҳамда ёш касаба уюшма фаолларининг ижобий ишларини оммалаштиришни тизимли давом эттириш мақсадида Ўзбекистон таълим, фан ва маданият ходимлари касаба уюшмаси Ёшлар кенгаши Мажлиси **қарор қилади:**

1. Ўзбекистон касаба уюшмалари Федерацияси Ёшлар кенгашининг 2013 йил 30 апрелдаги “Ўзбекистон касаба уюшмалари Федерацияси Ёшлар кенгашининг фаолиятини ва тузилмасини янада такомиллаштириш тўғрисида”ги 6-5 сонли қарори раҳбарлик ва ижро учун қабул қилинсин.

2. Марказий кенгашнинг ҳудудлар бўйича масъул ташкилотчилари, Ўзбекистон Фанлар академияси ва Тошкент шаҳар маданият муассасалари ходимлари бирлашган касаба уюшма қўмиталари раисларига:

- касаба уюшмалари туман, шаҳар кенгашлари, бирлашган касаба уюшма қўмиталари Ёшлар комиссиялари мазкур қарорнинг 1-,2-иловасида берилган “Тузилма” ҳамда “Касаба уюшмалари туман, шаҳар, бирлашган касаба уюшма қўмиталари Ёшлар кенгаши комиссияси функциялари”га асосан ўз ишларини ташкил этишларини назорат қилиш вазифалари топширилсин.


3. Мазкур қарор ижросини назорат қилиш Ўзбекистон таълим, фан ва маданият ходимлари касаба уюшмаси Ёшлар кенгаши масъул котиби И.Урманов зиммасига юклатилсин.

Ёшлар кенгаши раиси

С.Салахутдинов

Ўзбекистон таълим, фан ва маданият  
ходимлари касаба уюшмаси Ёшлар  
кенгаши Мажлисининг 2013 йил  
14 майдаги 1-3 сонли қарорига 1-  
илова

Ўзбекистон таълим, фан ва маданият ходимлари касаба уюшмаси  
Ёшлар кенгаши тузилмаси



## **Касаба уюшмалари туман, шаҳар, бирлашган касаба уюшма кўмиталари Ёшлар комиссияларининг функциялари**

1. Туман, шаҳар, бирлашган касаба уюшма кўмиталаридаги тармоққа мансуб ташкилотлар билан тузиладиган жамоа келишувларига ёшларнинг ижтимоий-иқтисодий манфаатларини ва меҳнат соҳасидаги ҳуқуқларини ҳимоя қилиш масаласини киритилишига эришади.

2. Заруратга қараб, бошланғич касаба уюшма кўмиталари қошидаги Ёшлар комиссия(ташкилотчи)ларининг фаолиятларини такомиллаштириш юзасидан Тармоқ Ёшлар кенгашига таклифлар билан чиқади.

3. Тармоқ корхона, ташкилот ва мауссасаларида фаолият юритувчи ёш касаба уюшма аъзолари ва фаолларидан тушган мурожаатларни кўриб чиқадилар, ваколатлари доирасида улар юзасидан тавсиявий қарор қабул қиладилар, зарур ҳолларда иш берувчиларга ва Тармоқ Ёшлар кенгаши Мажлисига таклифлар билан чиқадилар.

4. Ўзбекистон таълим, фан ва маданият ходимлари касаба уюшмаси Ёшлар кенгашидан олинган ахборотларни қуйи орган Ёшлар комиссия(ташкилотчи)ларига тарқатилишини тўлиқ таъминлайди.

5. Худуддаги ёш ходимларнинг ижтимоий-иқтисодий манфаатлари ҳимоясини таъминлашга оид ишларнинг аҳволини таҳлил қилади, давлат ижтимоий дастурлари бажарилишини таъминлаш ҳамда тармоқ ёш ходимлари манфаатларини ҳимоя қилиш борасида иш олиб боради.

6. Жойларга чиққан ҳолда қуйи касаба уюшмалари кўмиталарига Ёшлар билан ишлаш комиссия(ташкилотчи)ларини ташкил этиш ва уни иш фаолиятини олиб боришда амалий ва услубий ёрдам кўрсатади.

7. Касаба уюшмаси Тармоқ Ёшлар кенгаши томонидан республика бўйича ўтказиладиган тадбирларда худудий касаба уюшмалари ёш фаоллари қатнашишини ташкиллаштиради.

8. Ёшлар билан ишлашда тўпланган тажриба, муаммолар, талаблар ҳақида Тармоқ Ёшлар кенгашини тезлик билан хабардор қилади.

9. Касаба уюшма ташкилотларининг ёшлар билан олиб бораётган ишларини оммавий ахборот воситалари орқали кенг ва тизимли равишда ёритиш, махсус нашрларда материаллар чоп этиш, корхона, ташкилот ва муассасаларда ёшларга оид сиёсатни амалга ошириш бўйича аниқ мисолларни тарғиб қилишни ташкиллаштиради.

10. Туман, шаҳар, бирлашган касаба уюшма кўмиталарида тармоқ касаба уюшмаси “Ўзбекистон таълим, фан ва маданият ходимлари касаба уюшмаси Ёшлар кенгаши тўғрисида”ги Низомда белгиланган бошқа вазифаларни амалга оширади.